

kala dooftiido konngol am meedataa yiide
maayde” (Linjiila, Yuhanna 8:51).

Yeesu maayaani; homo wuuri! Tee homo tafa dental yimbe makko e aduna he doo jooni. Heen sahaaji o eewnoto yimbe yoo ngar e makko o rewna dum e koydi do be njiyata mo e comci daneeki tal, walla so en naagiima e innde makko o wadana en ko naagiden ko o rewna dum e kaawisaaji.

Mbela hada yidi hebde deeyre nande Nalawma Naawoore? Goonḍin Yeesu Almasiihu. E ko tati heden pawa hoolaare men e yimbe maaybe, be nganndaa ko hebata dūm'en nande Nalawma Naawoore? Yeesu ina yenanaa joodorde mum dow asamaan. Hono no kakkitoowo am to jaawirde to, maa o kakkit en.

Hodon mbaawi haaweede no huunde hono ndeedoo wonirta goonga. Yeesu Almasiihu wi'i, "Kala ko naagidaa e innde am, maa mi wad d'um" (Linjiila, Yuhanna 14:14). Yeewtindodee ko moyyi yeewon so tawii ko kaalanatni on ko ko goonga. So tawii Yeesu ina semmbolini haa waawa feewnande en gedef men e aduna hannde o, heden poti waawde hoolaade mo o wona kakkitoowo men. Naago Geno e dow innde Yeesu tawa ko e bernde maa fof yeewaa ko kewata. Hafa waawi naagaade:

Hey Joomiraado, mbedā yidī annūde mbela Yeesu woni mo cubidaa wona kakkitoowo o jande jaawoore. Tawi ko goonga, mbedā naagi maa yo a jaabo jaagungal am e (winndu haaju maada o dooyete). Mbedā jaagimaa dumdoo e dow innde Yeesu Almasiihu. Aamiin.

So tawii hada yidfi anndude hol no Yeesu Almasiihu rewirtee, jokkondir e amen e tonngoode winndaande caggal oo kaayit.

Copyright © 2023 by Sharing Hope Publications. Dee golle ina mbaawi fecteede e wofbe tawa wonaa e coggu hay so alaa yamiroore.

Binndi di ittaa ko e deftere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.



Wadi jalawma gooto, njaltumi suudu am otel ngam yahde e kawrital paayodinngal. Nde wonnoo mi ummanooki law, ndoknumi mobel am ko yaawi—haa burtin mi ko yamiraa ko. Nde njah mi haa badiimi nokku mo ndoganatnoomi o tan, polis darni mi wi'i ko maa mi yaha to naawirde maŋŋe to! Bernde am metti heen no feewi tee alaa ko mbaawnoomi heen sabu mbeda anndunoo mi toojii.

Caggal nde polis winndani mi kaayit kuugal, nawaami to naawirde sara doon ngam naaweede. Kawrumi toon e sehil am gooto kakkitoowo liggotoodo e naawirde he. O haawaa nde o yi'i mi toon. Nde ciimtanmi mo no gede ngoori, o wi'i, "Woto hul. Maa mi toppito gede maa." Mbeltiimi haa no feewi. Sehil am wonata kakkitoowo am!

Sabaabu nde sehil am kakkitoowo mi o, naawoowo o fawi mi kuugal leefdungal. Njaltumi naawirde nde mbeda yetta Geno.

Tawi ko goonga, ina hulbinii daraade yeeso naawoowo adunayankeejo. Kono duum ko hay huunde wonaani so a fonndii dum e daraade yeeso Geno e oon Nalawma Darnga mootanaado o. So tawii oon nalawma ko janngo, mbela hada hoolii maa e dadnde?

Heblanaade Nalawma Darnga

Won e yimbe mbadi jalawma darnga o ko bolle puuyde. Be njarat sanngara, be cimmo, be mbeddoo ceede, be njaha to nokkuuji kaantoriddi ngam fijirde, be njeefa ko haanaani yeebeede. Ina waawi tawa nih hobe nganndi deen gede ina mbinndaa e deftere laakara he, kono gano o (woni Seytaani) ina tojngi dum'en e welamma aduna. Be ngondaaka.

Yimbe wofbe kollira kulol burtungol. Hay waktu njuulu gooto dadataa dum'en. Hakkillaaji maŋŋe ngoni tan ko e leepete yimbe leeptetee de e jenaale walla e safaara jahannama haa be njejiti yidde e moyyere Geno.

Kono hono no njogoriimi kakkitoowo to naawirde to, Geno rokkii en kakkitoowo balloowo en jande jalawma darnga. A wonataa aan tan!

Holoon woni Kakkitoowo men?

Miijo fayde e kakkitoowo wonaa miijo heso. Hitaande fof, ujunnaaji ujunnaaji hajjooŋe ina mbafoya njillu to sanamunuji mum'en e Afrik banne rewo, leydeele Aarabeeŋe, e Asi. Heewbe ina njuuroo jenaale yimbe tedduŋe, cikka been maa kakkit dum'en jande darnga.

Been yimbe tedduŋe ina kaani teddineede, kono juulande dum'en walla naagaade dum'en yoo kakkit en jande darnga ina harmi. Ko be maaybe tee be mbaawaa wadande ma hay huunde. Hay annabaabe be nana e jenaale mum'en, ina padi Nalawma Ummital.

Alaa fof annabi mo meedaa bakkodin walla mo meedaa jaago yaafuya bakkatuuji mum. Kono Yeesu Almasiihu meedaa bakkodin.

Hay so tawii naagaade maaybe yo kakkit en ina harmi, dande kakkitoowo ko huunde moyyere. Kono hol mo Geno jabanta kakkitgol mum? Oon foti wonde ko

1. Guurdo (sabu maaybe mbaawaa hakkitde en).
2. Mo alaa bakkaat (sabu mo sariya fawi kuugal waawaa hakkitde wofbe).

Holoon waawi timminde ndii doo mbaadi? Alaa fof goddo so wonaa gido men Yeesu Almasiihu, ganndiraado Iisaa Almasiihu, guurdo gondo dow asamaan, ceniido o.

Durnu miijo e dum do—mbela won goddo baawdo wiyde kapum meedaa bakkodin? Aadama naamiino biŋŋe lekki ki o hadanoo ki; Nuuhu yariino haa manndili; Ibraahiima feniino; Muusaa wariino hoore; Daawuuda heŋtiino debbo janano. Alaa fof annabi mo meedaa bakkodin walla mo meedaa jaago yaafuya bakkatuuji mum.

Kono Yeesu Almasiihu meedaa bakkodin. Kanke e hoore makko o wi'i, "Neldo mi o ina wondi e am...sabu mbaŋatmi tan ko ko weli mo ko" (dum ittaa ko to Linjiila, Yuhanna 8:29).

Huccande Nalawma Darnga wondude e Deeyre

Yeesu Almasiihu o ina wuuri dow asamaan tee o meedaa bakkodin. Homo yidi hakkitde en, miin e maa. Tee o artat booyataa.

So tawii noon o artat laawol didaŋol, duum firti ko Yeesu Almasiihu woni nulaado cakkatiido o. Eey, o yawtii wonde nulaado tan—kanke woni Kakkitoowo men, Laamdo men, e Deeyre men jande Nalawma Naawoore. O wi'i men, "E goonga tigurigi...